

劉夢得文集

開化圖書館
Kaihua Library

開化圖書館

Kaishua library

開化圖書館

Kaichua library

開化圖書館

Kaishua library

劉夢得外集卷第二

詩

和微之深春好

贈別白侍郎

洛中戲呈馮尹

荅白賓客

始聞蟬有懷

憶樂天

樂天寄新詩

月夜憶樂天

誚令狐相公

吟白君哭崔兒

荅樂天所寄

池北新葺水齋

誚別樂天

贈樂天

誚別樂天

醉荅樂天

和樂天耳順吟 見樂天題詩

早夏郡中書事 見元相公題名

寄贈小樊 憶春草

報白君 送令狐相公

秋夕不寐 冬日晨興

訓樂天見寄 答樂天見憶

諂失婢勝者 晚達

喜崔賓客歸洛 傷小姬英英

洛下醉吟 郡齋書懷

訓樂天即事 公主舊宅

吟樂天自問

中秋翫月

秋日書懷

訓貽賀金紫

初冬早寒

傷微之敦詩晦叔

泛舟聯句

杏園聯句

醉中聯句

興花池亭聯句

西池聯句

首夏猶清和聯句

薔薇花聯句

西池落泉聯句

和樂天柘枝

和題真娘墓

同樂天和微之深春好二十首

同用家花
車斜四韻

何處深春好春深萬乘家宮門皆映柳輦路盡

穿花池色連天漢城形象帝車旌旗暖風裏獵
獵向西斜

何處深春好春深阿母家瑤池長不夜珠樹正
開花橋峻通星渚樓暄近日車層城十二闕相
對玉梯斜

何處深春好春深執政家恩光貪捧日貴重不
看花玉饌堂交印沙堤柱礙車多門一已閉直
道更無斜

何處深春好春深大鎮家前旌光照日後騎蹙
成花節院收衙隊毬場簇看車廣筵歌舞散書

號夕陽斜

何處深春好春深貴戚家
檝嘶無價馬庭發有名花
欲進宮人食先薰命婦車
晚歸長帶酒冠蓋任傾斜

何處深春好春深恩澤家
爐添龍腦炷綬結虎頭花
賓客珠成履嬰孩錦縛車
畫堂簾幕外來去鷺飛斜

何處春深好春深京兆家人
眉新柳葉馬色醉桃花
盜息無鳴鼓朝迴自走車
能令帝城外不敢逕由斜

何處深春好春深刺吏家夜闌猶命樂雨甚亦
尋花傲客多憑酒新姬苦上車公門吏散後風
擺戟衣斜

何處深春好春深羽客家芝田繞舍色杏樹滿
山花雲是淮王宅風爲列子車古壇操簡處一
逕入林斜

何處深春好春深小隱家芟庭留野菜撼樹去
狂花醉酒一千日貯書三十車短衾從露體不
敢有餘斜

何處深春好春深富室家唯多貯金帛不擬負

鶯花國樂呼聯轡行厨載滿車歸來看理曲燈
下寶釵斜

何處深春好春深豪士家多沽味濃酒貴買色
深花已臂鷹隨馬連催妓上車城南踏青處村
落逐原斜

何處深春好春深貴胄家迎呼偏熟客揀選最
多花飲饌開華幄笙歌出鈿車興酣罇易罄連
瀉酒餅斜

何處深春好春深唱第家名傳一紙榜興管九
衢花薦聽諸侯樂來隨計吏車杏園拋曲處揮

袖向風斜

何處深春好春深少婦家能偷新禁曲自剪入
時花追逐同遊伴平章貴價車從來不墮馬故
遣髻鬟斜

何處深春好春深幼女家雙鬟梳頂髻兩面綉
裙花粧壞頻臨鏡身輕不占車鞦韆爭次第牽
拽絲繩斜

何處深春好春深蘭若家當香收拍葉養蜜近
梨花野逕宜行樂遊人盡駐車菜茵薶落短遙
見桔槔斜

何處深春好春深老宿家小欄圍蕙草高架引
藤花四字香書印三乘壁畫車遲迴聽句偈雙
樹晚陰斜

何處深春好春深種蒔家分畦十字水接樹兩
般花櫛比栽籬槿啞啞轉井車可憐高處望基
布不曾斜

何處深春好春深稚子家爭騎一竿竹偷折四
隣花笑擊羊皮鼓行牽犢領車中庭貪夜戲不
覺玉繩斜

刑部白侍郎謝病長告改賓客分司以詩

贈別

鼎食華軒到眼前
拂衣高謝豈徒然
九霄路上辭朝客
四皓叢中作少年
他日卧龍終得雨
今朝放鶴且冲天
洛陽舊有衡茅在
亦擬抽身伴地仙

送和白賓客分司初到洛中戲呈馮尹

西辭望苑去東占洛陽才
度嶺無歸思看山不
悞來冥鴻何所慕
遼鶴乍飛迴洗竹通新逕
攜琴上舊臺塵埃長者轍
風月故人杯聞道龍門
峻還因上客開

和留守令狐相公荅白賓客

蛟龍和風吹樹枝
商山逸客出關時
身無拘束起長晚
路足交親行自遲
官拂象筵終日待
私將雞黍幾人期
君來不用飛書報
萬戶先從紙貴知

始聞蟬有懷
白賓客去歲白有聞
蟬見寄詩云
祇應催我老兼遣報君知之句

蟬韻極清切
始聞何處悲
人含不平意
景值欲秋時
此歲方晚晚
誰家無別離
君言催我老
已
是去年詩

憶樂天

尋常相見意慙勤
別後相思夢更頻
每遇登臨好風景
羨他天性少情人

樂天寄洛下新詩
兼喜微之欲到
因以杼懷也

松間風未起
萬葉不自吟
池上月未來
清輝同夕陰
宮徵不獨運
墳麓自相尋
一從別樂天
詩思日已沈
吟君洛中作
精絕百鍊金
乃知孤鶴情
月露爲知音
微之從東來
威鳳鳴歸林
羨君先相見
一豁平生心

月夜憶樂天兼寄微之

今宵帝城月一望雪相似
遙想洛陽城清光正
如此知君當此夕亦望鏡湖水
展轉相憶心月明千萬里

訓鄆州令狐相公官舍言懷見寄呈樂天
詞人各在一涯居聲味雖同跡自踈
佳句傳因多好事尺題稀為不便書
已通戎略逢黃石仍占文星耀碧虛
聞說朝天在來歲霸陵春色待
行車

吟白君哭崔兒二篇愴然寄贈

吟君苦調我露纓能使無情盡有情四望車中
心未釋千秋亭下賦初成庭梧已有鷓鴣栖處池
鶴今無子和聲從此期君比瓊樹一枝吹折一
枝生

荅樂天所寄詠懷且釋其枯樹之歎

衙前有樂饌常精宅內連池酒任傾自是官高
無狎客不論年長少歡情驪龍領被探珠去老
蚌胎還應月生莫羨三春桃與李桂花成實嚮
秋榮

白侍郎大尹自河南寄示池北新葺水齋

即事招賓十四韻兼命同作

公府有高政新齋池上開再吟佳句後一似畫
圖來結構踈林下寅綠曲岸隈綠波穿戶牖碧
甃疊瓊瓌幽興當軒滿清光繞砌迴潭心澄曉
鏡渠口起晴雷瑤草綠堤種松煙上島栽魚游
驚撥刺鷺浴喜毯毳為客烹林笋因僧採石苔
酒餅常不罄書案任成堆簷外青雀舫坐中鸚
鵡杯蒲根抽九節蓮萼捧重臺芳評此時到勝
遊何日陪共譏吳太守自占洛陽才

赴蘇州謝別樂天

吳郡魚書下紫宸長安廐吏送朱輪二南風化
承遺愛八詠聲名躡後塵梁氏夫妻爲寄客陸
家兄弟是州民江城春日追遊處共憶東都舊
主人

贈樂天

一別舊遊盡相逢俱涕零在人雖晚達於樹似
冬青痛飲連宵醉狂吟滿坐聽終期拋印綬共
占少微星

福先寺雪中酬別樂天

龍門賓客會龍宮東去旌旗駐上東二八笙歌

雲幕下三千世界雪花中
離堂未暗排紅燭別
曲含淒颺晚風才子從今
一分散便將詩詠嚮
吳儂

醉答樂天

洛城洛城何日歸故人
故人今轉稀莫嗟雪裏
暫時別終擬雲間相逐飛

和樂天耳順吟兼寄敦詩

吟君新什慰蹉跎屈指同登耳
順科鄧禹功成
三紀事孔龢書就八年多
已經將相誰能爾拋
却丞郎爭奈何獨恨長州數千里
且隨魚鳥泛

煙波

到郡未浹日登西樓見樂天題詩因即事

以寄

樂天自此郡
謝病西歸

湖上收宿雨城中無書塵樓依新柳貴池帶亂
苔春雲水正一望簿書來遶身煙波洞庭路愧
彼扁舟人

早夏郡中書事

水禽渡殘月飛雨灑高城華堂對嘉樹簾廡含
曉清拂鏡整危冠振衣步前楹將吏儼成列簿
書紛來縈言下辨曲直筆端破交爭虛懷詢病

苦懷律操剽輕闍吏告無事歸來解簪纓高簾
覆朱閣忽爾聞調笙

虎丘寺見元相公二年前題名愴然有詠

前年滙橋

送之武昌

滙水送君君不還見君題寺虎丘山因知早貴
兼才子不得多時在世間

寄贈小樊

花面丫頭十三四春來綽約向人時終須買取
名春草處處將行步步隨

憶春草

憶春草處處多情洛陽道金谷園中見日遲銅
駝陌上迎風早河南大尹頻出難只得池塘十
步看府門閉後滿街月幾處遊人草頭歇館娃
宮外姑蘇臺鬱鬱芊芊撥不開無風自偃君知
否西子裙裾曾拂來

樂天寄憶舊送因作報白君以荅

報白君別來已度江南春江南春色何處好鷺
子雙飛故官道春城三百七十橋夾岸朱樓隔
柳條丫頭小兒盪畫槳長杖女郎簪翠翹郡齋
北軒卷羅幕碧池逶迤遶華閣池邊綠竹桃李

花花下舞筵鋪彩霞吳娃足情言語黠越客有
酒巾冠斜坐中皆言白太守不負風光向杯酒
酒酣襞牋飛逸韻至今傳在人人人口報白君相
思空望嵩丘雲其奈錢塘蘇小小憶君淚黥石

榴裙

白君有妓近
自洛歸錢塘

和白侍郎送令狐相公鎮太原

十萬天兵貂錦衣晉城風日斗生輝行臺僕射
新恩重從事中郎舊路歸疊鼓蹙成汾水浪閃
旗驚斷塞鴻飛邊庭自此無烽火擁節還來坐

紫微

秋夕不寐寄樂天

洞戶夜簾卷華堂秋簟清螢飛過池影蛩思遠
堦聲老枕知將雨高牕報欲明何人諳此景遠
問白先生

冬日晨興寄樂天

庭樹曉禽動郡樓殘點聲燈挑紅燼落酒煖白
光生髮少嫌梳利顏衰恨鏡明獨吟誰應和須
寄洛陽城

訓樂天見寄

元君後輩先零落崔相同年不少留華屋坐來

能幾日夜臺歸去便千秋背時猶自居三品

三川吳郡

品同得老終須卜一丘

投老之日願樂天爲鄰

若使吾徒還早

達亦應簫鼓入松楸

荅樂天見憶

與老無期約到來如等閑偏傷朋友盡移興子

孫閒筆底心猶毒杯前膽不豨

呼關反

唯餘憶君

夢飛過武牢關

和樂天誚失婢媵者

把鏡朝猶在添香夜不歸鴛鴦拂瓦去鸚鵡透籠飛不逐張公子即隨劉武威新知正相樂從

此脫青衣

樂天寄重和晚達冬青一篇因成再荅

風雲變化饒年少光景蹉跎屬老夫秋隼得時
凌汗漫寒龜飲氣受泥塗東隅有失誰能免北
叟之言豈便無振臂猶堪呼一擲爭知掌下不
成盧

河南白尹有喜崔賓客歸洛兼見懷長句

因而繼和

幾年侍從作名臣却向青雲索得身朝士忽爲
方外士主人仍是眼中人雙鸞遊處天京好五

馬行時海嶠春遙羨光陰不虛擲肯令絲竹暫
生塵

和楊師臯給事傷小姬英英

見學胡琴見藝成今朝追想幾傷情撚絃花下
呈新曲放撥燈前謝改名但是好花皆易落從
來尤物不長生鸞臺夜直衣衾冷雲雨無因入
禁城

和樂天洛下醉吟寄太原令狐相公兼見
懷長句

舊相臨戎非稱意詞人作尹本多情從容自使

邊塵靜談笑不聞桴鼓聲章句新添塞下曲風
流舊占洛陽城昨來亦有吳趨詠唯寄東都與
北京

郡齋書懷寄江南白尹兼簡分司崔賓客
謾讀圖書三十車年年爲郡老天涯一生不得
文章力百口空爲飽暖家綺季衣冠稱鬢面吳
公政事副詞華還思謝病今歸去同醉城東桃
李花

訓樂天七月一日夜即事見寄

夜樹風韻清天河雲彩輕故苑多露草隔城聞

鶴鳴搖落從此始別離含遠情聞君當是夕倚
瑟吟商聲外物豈不足中懷向誰傾秋來念歸
去同聽嵩陽笙

題于家公主舊宅

樹繞荒臺葉滿池簫聲一絕草蟲悲鄰家猶學
宮人髻園客爭偷御果枝馬埒蓬蒿藏狡兔鳳
棲煙雨嘯愁鷗何郎獨在無恩澤不似當初傳
粉時

吟樂天自問愴然有作

親友關心皆不見風光滿眼倍傷神洛陽城裏

多池館幾處花開有主人

八月十五日夜半雲開然後翫月因書一時之景寄呈樂天

半夜碧雲收中天素月流開城邀好客置酒賞
新秋影透衣香潤光凝歌黛愁斜輝猶可翫移
宴上西樓

秋日書懷寄白賓客

州遠雄無益年高健亦衰興情逢酒在筋力上
樓知蟬噪芳意盡鴈來愁望時商山紫芝客應
不向愁悲

訓樂天見貽賀金紫之什

父學文章含白鳳却因政事賜金魚郡人未識
聞謠詠天子知名與詔書珍重和詩呈錦繡願
言歸計並園廬舊來詞客多無位金紫同遊誰
得如

訓樂天初冬早寒見寄

乍起衣猶冷微吟帽半欹霜凝南屋瓦雞唱後
園枝洛水碧雲曉吳宮黃葉時兩傳千里意書
札不如詩

樂天見示傷微之敦詩晦叔三君子皆有

深分因成是詩以寄

吟君歎逝雙絕句使我傷懷奏短歌世上空驚
故人少集中唯覺祭文多芳林新葉催陳葉流
水前波讓後波萬古到今同此恨聞琴泪盡欲
如何

春池泛舟聯句

鳳池新雨後池上好風光

上相公禹錫

取酒愁春盡留

賓喜日長

度送兵部

柳絲迎畫舸水鏡寫雕梁

羣送賈閣長

潭洞迷仙府煙霞認醉鄉

鍊送張司業

鶯聲隨雨語

竹色入壺觴

籍送主客

晚景含澄澈時芳得豔陽

禹錫

飛鳧拂輕浪綠柳暗回塘度逸韻追安石高居
勝辟疆羣杯停新令舉詩動綵牋忙餽顧謂同
來客歡遊不可忘籍

杏園聯句

杏園千樹欲隨風一醉同人此暫同羣上司空老態

忽忘絲管裏衰顏頓解酒杯中絳上白曲江日暮

殘紅在翰苑年深舊事空居易上二十四年流落

者故人相引到花叢禹錫

花下醉中聯句

共醉風光地花飛落酒杯絳送劉殘春猶可賞

晚景莫相催

禹錫送白侍郎

酒幸年年有花應歲歲開

居易

送兵部相公

且當金韻擲莫遣玉山頽

羣送度閣長

高會彌

堪惜良時不易陪

承宣送主客

誰能拉花住爭換得春

回

禹錫送吏部

我輩尋常有佳人早晚來

嗣復送兵部

寄言三

相府欲散且徘徊

居易時戶部相公同會

宴興化池亭送白二十二東歸聯句

東洛言歸去西園告別來白頭青眼客池上手

中杯

度

離瑟慙勤奏仙舟委曲回征輪今欲動

賓閣為誰開

禹錫

坐弄琉璃水行登綠縹苔花低

妝照影萍散酒吹醅

居易

岸蔭新抽竹亭香欲變

梅隨遊多笑傲遇勝且徘徊籍澄澈連天鏡潺

湲出地雷林塘難共賞鞍馬莫相催度信及魚

還樂機忘鳥不猜晚晴槐起露新暑石添苔禹錫

擬作雲泥別尤思頃刻陪歌停珠貫斷飲罷玉

峯頽易居雖有逍遙志其如磊落才會當重日用

此去肯悠哉籍

西池送白二十二東歸寄令狐相公聯句

促坐宴回塘送君歸洛陽彼都留上宰為我說

中腸度威鳳池邊別冥鴻天際翔披雲見居守

望日拜封章禹錫春盡年華少舟通景氣長送行

歡共惜寄遠意難忘籍東道瞻軒蓋西園醉羽觴
謝公深眷盼商皓信輝光式行舊德推三友新
篇代八行

首夏猶清和聯句

記得謝家詩清和即此時易居餘華數種在密葉
幾重垂度芳謝人人惜陰成處處宜錫禹水萍爭
點綴梁鷺共追隨式行亂蝶憐踈菜殘鷓鴣戀好枝
籍草香殊未歇雲勢漸多奇易居單服初寧體新
篁已出籬度與春為別近覺日轉行遲錫禹遶樹
風光少侵階苔蘚滋式行唯思奉歡樂長得在西

池籍

薔薇花聯句

似錦如霞色連春接夏開錫禹波紅分影入風好

帶香來度得地依東閣當階奉上台式行淺深皆

有態次第暗相催錫禹滿地愁英落綠堤惜掉回

度芳濃濡雨露明麗隔塵埃式行似著燕脂染如

經巧婦裁易居奈花無別計只有酒殘杯籍

西池落泉聯句

東閣聽泉落能令野興多或行散時猶帶沫涼處

即跳波度徧洗磷磷石還驚泛泛鵝色清塵不

漆光白月相和居噴雲縈松竹攢珠濺艾荷禹

對吟時合響觸樹更搖柯籍照圃紅分藥侵堦

綠浸莎居日斜車馬散餘韻逐鳴珂禹

和樂天柘枝

柘枝本出楚王家玉面添驕舞態奢雲鬢改梳

翔鳳髻新衫別織鬪雞紗鼓催殘拍腰身軟汗

透羅衣雨點花華筵曲罷辭歸去便隨王母上

煙霞

和樂天題真娘墓

蒼冢亂林中黃土堆羅襦繡黛已成灰芳魄雖死

人不怕蔓草逢春花自開幡蓋向風疑舞袖鏡
燈臨曉似妝臺吳王嬌女墳相近一片行雲應
往來

劉夢得外集卷第二

卷之三

十一

開化圖書館

Wakuhwa Library

劉夢得外集卷第三

詩

汴州新政書事

對紫微花

和令狐贈荅

和謝蒲萄

和送趙鍊師

令狐相公賜詩

誄令狐贈別

誄寄賀遷拜

誄早秋見寄

和翫白菊

寄令狐相公

和贈竹

和令狐入潼關

和尋白閣老

雪中遊玄都觀

南亭看雪

別牡丹

誄令狐留守

春晚對花

春日言懷

令狐相公言懷

聞思帝鄉

誄令狐相公

謝令狐相公書問

賀令狐相公

重誄前寄

秋懷

誄令狐相公

新詩誄寄

誄令狐相公見寄

歲暮遠懷

誄令狐相公即事

首夏間居

庭前白菊謝

季冬南郊宿齋

題伏毒寺

杏園花下飲

和令狐相公

題雙文瓜花

題龍回寺

晚泛漢江

初栽桂樹

早春南望

訓令狐相公

春思見寄

新栽蕙蘭

南齋小宴

詠梔子花

新蟬

對黃白二菊花

荅令狐相公

荅令狐僕射

客有話汴州新政書事寄令狐相公

天下咽喉今太寧軍城喜氣徹青冥庭前劔戟

朝迎日筆底文章夜應星三省壁中題姓字萬
人頭上見儀形汴州忽復承平事正月看燈戶
不尙

和令狐相公郡齋對紫微花

明麗碧天霞
芊茸紫綬花
香聞荀令宅
豔入孝王家
幾歲自榮樂
高情方歎嗟
有人移上苑
猶足占年華

令狐相公示河中楊少尹贈荅兼命繼聲
兩首新詩百字餘
朱絃玉磬韻難如
漢家丞相重徵後
梁苑仁風一變初
四面諸侯瞻節制
八

方通貨真溢河渠自從却穀爲元帥大將歸來盡
把書

和令狐相公謝太原李侍中寄蒲萄

珍果出西域移相到北方昔年隨漢使今日寄
梁王上相芳緘至行臺綺席張魚鱗含宿潤馬
乳帶殘霜染指鈇粉賦滿喉甘露香醞成千日
酒味敵五雲漿咀嚼停金盞稱嗟響畫堂慙非
末至客不得一枝嘗

和令狐相公送趙常盈鍊師與中貴人同
拜嶽及天台投龍畢却赴京

銀璫謁者引霓旌霞帔仙官到赤城白鶴迎來
天樂動金龍擲下海神驚元君伏奏歸中禁武
帝親齋禮上清何事夷門請詩送梁王文字上
聲名

令孤相公俯贈篇章斐然仰謝

鄂渚臨流別梁園衝雪來旅愁隨凍釋歡意待
花開城曉烏頻起池春鴈欲回飲和心自醉何
必管絃催

訓令狐相公贈別

越聲長苦有誰聞老向湘山與楚雲海嶠新辭

永嘉守夷門重見信陵君
田園松菊今迷路霄
漢鴛鴻久絕羣幸遇甘泉尚詞賦
不知何客薦
雄文

訓令狐相公寄賀遷拜之什

遭回二紀重為郎
洛下遙分列宿光
不見當關呼早起
曾無侍史與焚香
三花秀色通春幌
十字清波遶宅牆
白首青衫誰比數
相憐只是有

梁王

相公昔曾以天僚分司
故有同病相憐之句

訓令狐相公早秋見寄

公來第四秋
樂國號無愁
軍士遊書肆
商人占

酒樓熊羆交黑稍賓客滿清油今日文章主梁
王不姓劉

和令狐相公翫白菊

家家菊盡黃梁國獨如霜瑩靜真琪樹分明對
玉堂仙人披雪氅素女不紅粧粉蝶來難見麻
衣拂更香向風搖雨扇含露滴瓊漿高豔遮銀
井繁枝覆象牀桂叢慙並發梅援妬先芳一入
瑤華詠從茲播樂章

夏日寄宣武令狐相公

長憶梁王逸興多西園花盡興如何近來溽暑

侵亭館應覺清談勝綺羅境入篇章高韻發風
穿號令衆心和承明欲謁先相報願拂朝衣逐
曉珂

令狐相公見示贈竹二十韻仍命繼和

高人少愛竹寄興良有以峻節可臨戎虚心宜
得士衆芳信妍媚威鳳難栖止遂於鞀鼓間移
植東南美封以梁園土澆之浚泉水得地色不
移凌空勢方起新青排故葉餘粉籠踈理猶復
隔牆藩何因出塵滓茲辰去前蔽永日勞瞪視
槭槭林已成熒熒玉相似親摹起心匠洗滌在

頤指曲直既瞭然孤高何卓爾垂梢覆內屏迸
筍侵前庀妓席拂雲鬣賓階塵珠履抱琴恣閒
翫執卷堪斜倚露下懸明璫風來韻清徵堅貞
貫四候標格殊百卉歲晚當自知繁華豈去比
古詩無贈竹高唱從此始一聽清瑤音瑯然長
在耳

和令狐相公入潼關

寒光照旌節關路曉無塵吏謁前丞相山迎舊
主人東瞻軍府靜西望敕書頻心共黃河水同
昇天漢津

和令狐相公尋白閣老見留小飲因贈
殼士更逢酒樂天仍對花文章管星曆情興占
年華官達翻思退名高却不誇唯存浩然氣相
共賞煙霞

訓令狐相公雪中遊玄都觀見憶

好雪動高情心期在玉京人披鶴氅出馬踏象
筵行照耀樓臺變淋漓松桂清玄都留五字使
入步虛聲

和令狐相公以司空裴相見招南亭看雪

四韻

重門不下關樞務有餘間上客同看雪高亭盡
見山瑞呈霄漢外興入笑言間知是平陽會人
人帶酒還

和令狐相公別牡丹

平章宅裏一欄花臨到開時不在家莫道兩京
非遠別春明門外即天涯

訓令狐留守巡內至集賢院見寄

仙院文房隔舊宮當時盛事盡成空墨池半在
頽垣下書帶猶生蔓草中巡內因經九重苑裁
詩又繼二南風爲兄手寫慤勤句遍歷三台各

一通

和鄆州令狐相公春晚對花

朱門退公後高興對花枝
望闕無窮思看書欲
盡時含芳朝競發疑豔
晚相宜人意慙勤惜狂
風豈得知

訓令狐相公春日言懷見寄

前陪看花處隣里近王昌
今想臨戎地旌旗出
汶陽營飛柳絮雪門耀戟
枝霜東望清河水心
隨艣上郎

和令狐相公言懷寄河中楊少尹

章句慙非第一流世間才子昔陪遊吳宮已嘆

芙蓉死

張司業詩去吳宮四面秋
江水天清露白芙蓉死

邊月空悲蘆管秋

李白書

任向洛陽稱傲吏

分司白
賓客

苦教河上領諸侯

天平
相公

石

渠甘對圖書老關外楊公安穩不

遙和令狐相公坐中間思帝鄉有感

當初造曲者為誰說得思鄉戀闕時滄海西頭

舊丞相停杯處分不須吹

訓令狐相公見寄

羣玉山頭住四年每聞笙鶴看諸仙何時得把

浮丘袖白日將昇第九天

途次大梁雪中奉天平令狐相公書問兼
示新什因思曩歲從此拜辭形於短篇以
申仰謝

遠守官情薄故人書信來共曾花下別今獨雪
中迴紙尾得新什眉頭還暫開此時同鴈鴛池
上一徘徊

令狐相公自天平移鎮太原以詩申賀

昔為并
州從事

北都留守將天兵出入香街宿禁扃鼙鼓夜聞
驚朔鴈旌旗曉動拂參星孔璋舊檄家家有叔

度新歌處處聽夷落遙知真漢相爭來屈膝看
儀形

重訓前寄

邊烽寂寂盡收兵宮樹蒼蒼靜掩扃戎羯歸心
如內地天狼無角比凡星新成麗句開緘後便
入清歌滿坐聽吳苑晉詞遙望處可憐南北太
相形

訓令狐相公秋懷見寄

寂寞蟬聲靜差池鷺羽回秋鄰多越絕朝氣想
臺駘相去數千里無因同一杯慙勤望飛鴈新

自塞垣來

訓令狐相公六言見寄

已嗟離別太遠更被光陰苦催吳苑鷺辭人去
汾川鴈帶書來愁吟月落猶望憶夢天明未迴
今日便令歌者唱兄詩送一杯

令狐相公自太原累示新詩因以酬寄

飛蓬卷盡塞雲寒戰馬間嘶漢地寬萬里胡天
無警急一籠烽火報平安燈前妓樂留賓宴雪
後山河出獵看珍重新詩遠相寄風情不似四
登壇

中人斜日漸移影落英紛委塵一吟相思曲惆
悵江南春

謝令狐相公首夏間居書懷見寄

蕙草芳未歇綠槐陰已成金壘唯獨酌瑤瑟有
離聲翔泳各殊勢篇章空寄情應憐三十載未

變使君名

貞元中自郎官出
守至今三十一年

謝令狐相公庭前白菊花謝偶所懷見寄

數叢如雪色一旦冒霜開寒葉差池落清香斷
續來思深含怨別芳謝惜年催千里難同賞看
看又早梅

星夢錄卷三十一
十一
訓令狐相公季冬南郊宿齋見寄

壇下雪初霽
齊城南凍欲生
齋心祠上帝
高步領名卿
沐浴含芳澤
周旋聽珮聲
猶憐廣平守
寂寞竟何成

貞元中侍郎舅氏牧華州時余再忝科第
前後由華覲謁陪登伏毒寺屢焉亦曾賦
詩題於梁棟今典馮翊暇日登樓南望三
峯浩然生思追想昔年之事因成篇題舊事
曾作關中客頻經伏毒巖晴煙沙苑樹晚日渭
川帆昔是青春貌今悲白雪鬢郡樓空一望舍

意卷高簾

訓令狐相公杏園花下飲有懷見寄

年年曲江上花發即經過未飲心先醉臨風思
倍多三春看又盡兩地欲如何日望長安道空
成勞者歌

和令狐相公春早朝回鹽鐵使院中作

柳動御溝清威遲堤上行城隅日未過山色雨
初晴鷺鳥避傳呼起花臨府署明簿書盈几案要
自有高情

令狐相公見示題洋州崔侍郎宅雙木瓜

花頃接待郎同舍陪宴樹下吟翫來什輒
成和章

金牛蜀路遠玉樹帝城春榮耀華館裏逢迎欠
主人簾前疑小雪牆外麗行塵來去皆回首情
深是德隣

和令狐僕射相公題龍回寺

茲地回鑿日皇家禪聖時路無胡馬跡人識漢
官儀天子旌旗度法王龍象隨知懷去家歎經
此益遲遲

相公家本咸陽
有喬木之恩

和令狐相公晚泛漢江書懷寄洋州崔侍

郎闈州高舍人二曹長

雨過遠山出江澄暮霞生因浮濟川舟遂作適
野行郊樹映緹騎水禽避紅旌田夫捐畚鍤織
婦窺柴荆古岸夏花發遙林晚蟬清泂洄方翫
境鼓角已登城部內有良牧望中寄深情臨觴
念佳期泛瑟動離聲寂寞一病士夙昔接羣英
多謝謫仙侶幾時還玉京

訓令狐相公使宅別齋初栽桂樹懷作

清淮南岸家山樹黑水東邊第一栽影近畫梁
迎曉日香隨綠酒入金杯根留本土依江潤葉

起寒後映月開早晚陰成比梧竹九霄還放綵
鷄來

令狐相公類示新什早春南望遐想漢中
因杼短章以寄誠素

軍城臨漢水旌旆起春風遠思見江草歸心看
塞鴻野華泐古道新葉映行宮唯有詩兼酒朝
朝兩不同

酬令狐相公見寄

才兼文武播雄名遺愛芳塵滿洛城身在行臺
爲僕射書來角里訪先生間遊占得嵩山色醉

卧高聽洛水聲千里相思難命駕七言詩裏寄
深情

令狐相公春思見寄

一紙書封四句詩芳晨對酒遠相思長吟盡日
西南望猶及殘春花落時

令狐相公見示新栽蕙蘭二章之什兼命

同作

上國庭前草移來漢水潯朱門雖易地玉樹有
餘陰豔彩凝還泛清香絕復尋光華童子佩柔
輭美人心惜晚含遠思賞幽空獨吟寄言知音

者一奏風中琴

和令狐相公南齋小宴聽阮咸

陋巷久蕪沈四絃有遺音雅聲發蘭室遠思含
竹林座絕衆賓語庭移芳樹陰飛觴助真氣寂
聽無流心影似白團扇調諧朱絃琴一毫不平
意幽怨古猶今

和令狐相公詠梔子花

蜀國花已盡越桃今正開色疑瓊樹倚香似玉
京來且賞同心處那憂別葉催佳人如擬詠何
必待寒梅

酬令狐相公新蟬見寄

相去三千里聞蟬同此時清吟曉露葉愁噪夕
陽枝忽爾絃斷絕俄聞管黍差洛橋碧雲晚西
望佳人期

和令狐相公九日對黃白二菊花見懷

素萼迎寒秀金英帶露香繁華照旄鉞榮盛對
銀黃琮璧交輝映衣裳雜綵章晴雲遙蓋覆秋
蝶近悠揚空想逢九日何由陪一觴滿叢佳色
在未肯委嚴霜

城內花園頗曾遊玩令公居守亦有素期

適春霜一夕委謝書實以荅令狐相公見
謔

樓下花園早占春年年結侶採花頻繁霜一夜
相撩冶不似佳人似老人

令狐僕射與予投分素深縱山川阻峭然
音問相繼今年十一月僕射疾不起聞予
已承訃書寢門長慟後日有使者兩輩持
書并詩計其日時已是卧疾手筆盈幅翰
墨尚新新詞一篇音韻彌切收淚握管以
成報章雖廣陵之絃於今絕矣而蓋泉之

感猶庶聞焉焚之總帳之前附於舊編之
末

前日寢門慟至今悲有餘已嗟萬化盡方見八
行書滿紙傳相憶裁詩怨索居危絃音有絕哀
玉韻猶虛忽歎幽明異俄驚歲月除文章雖不
朽精魄竟焉如零淚沾青簡傷心見素車淒涼
從此後無復望雙魚

劉夢得外集卷第三

開化圖書館
kaikwa library

據結一廬本補

劉夢得外集卷第四

詩

郡內書情

酬樂天見憶

小亭寒夜

和裴晉公涼風亭

閑園獨賞

酬樂天杉酒見寄

兩如何

留辭裴令公

與樂天替代

裴令公綠野堂

自左馮歸洛下

秋齋獨坐

和樂天懷詠

獨酌小醉

戲贈樂天

酬樂天題酒瓮

雪中訝諸公

請裴令公加宴

過敦詩舊宅

聽江西故吏歌

以詩問酒熟

和樂天洛城春

陪裴公泛洛

賀楊尚書

秋中聯句

雪中宴集

喜遇聯句

洛中聯句

共憶夢得聯句

洛中早春

賞櫻桃花

醉後寓言戲贈

賞牡丹

戲樂天長齋

樂天蓮池邀僧

晚夏間居

感秋

沽酒致歡

懷樂天

和思黯憶南莊

各賦春中一物

春詞

聞新蟬

新秋對月

小臺晚坐

早秋雨後

秋涼間卧

秋晚病中

和樂天燒藥

訓樂天詠老

歲夜詠懷

元日樂天見過

戲樂天買馬

訓思黯見戲

訓思黯小飲

訓樂天狂吟

訓牛相公獨飲 春日間坐

牛相公示新什 秋霖即事聯句

喜晴聯句 會昌春聯句

春晚聯句 樂天長齋聯句

郡內書情獻裴侍中留守

功成頻獻乞身章
擺落襄陽鎮洛陽
萬乘旌旗分一半
八方風雨會中央
兵符今奉黃公略
書殿曾隨翠鳳翔
心寄華亭一雙鶴
日陪高步繞池塘

訓樂天閑卧見憶

散誕向陽眠將閑敵地仙詩情茶助爽藥力酒
能宣風碎竹間日露明池底天同年未同隱緣
欠買山錢

訓樂天小亭寒夜有懷

寒夜陰雲起踈林暗鳥驚斜風閃燈影迸雪打
牕聲竟夕不能寐同年知此情漢皇無奈老何
況本書生

奉和裴晉公涼風亭睡覺

驪龍睡後珠元在仙鶴行時步又輕方寸瑩然
無一事水聲來似玉琴聲

和樂天間園獨賞八韻前以蜂鶴拙句寄
呈今辱蝸蟻妍詞見荅因成小巧以取大咍
永日無人事芳園注興行陶廬樹可愛潘宅雨
新晴傳粉琅玕節薰音菡萏莖榴花裙色好桐
子藥丸成柳蠹枝偏亞桑閑葉再生睢盱欲鬪
雀索漠不言鶯動植隨四氣飛沈含五情槍榆
與水擊小大強爲名

訓樂天衫酒見寄

酒法衆傳吳米好舞衣偏尚越羅輕動搖浮蟻
香濃甚裝束輕鴻意態生閱曲定知能自適舉

杯應歎不同傾終朝相憶終年別對景臨風無限情

兩如何詩謝裴令公贈別二首

一言一顧重重何如今日陪遊清洛苑昔年別入承明廬

一東一西別別何如終期大冶再鎔鍊願託扶搖翔碧虛

將之官留辭裴令公留守

祖帳臨伊水前旌指渭河風煙里數少雲雨別情多重疊受恩久遭迴如命何東山與東閣終

冀再經過

訓喜相遇同州與樂天替代

舊託松心契新交竹使符行年同甲子筋力羨
丁夫別後詩成秩攜來酒滿壺今朝停五馬不

獨為羅敷

前章所言春草白君之舞妓也故有此荅

奉和裴令公新成綠野堂即書

藹藹鼎門外澄澄洛水灣堂皇臨綠野坐卧看
青山位極却忘貴功成欲愛閒官名司管籥心
術去機關禁苑凌晨出園華及路攀池塘魚拔
刺竹逕鳥絲蠶志在安蕭灑嘗經歷險艱高情

方造適衆意望微還好客交珠履華筵舞玉顏
無因隨賀鷲翔集畫梁間

自左馮歸洛下訓樂天兼呈裴令公

新恩通籍在龍樓分務神都近舊丘自有園公

紫芝侶

時賓行四人
盡在洛中

仍追少傅赤松遊華林霜葉

紅霞晚伊水晴光碧玉秋更接東山文酒會始

知江左未風流

王儉去江左風流
宰相惟有謝安公

秋齋獨坐寄樂天兼呈吳方之大夫

空齋寂寂不生塵藥物方書繞病身纖草數莖
勝靜地幽禽忽至似佳賓世間憂喜雖無定釋

氏銷磨盡有因同向洛陽間度日莫教風景屬
他人

和樂天齋戒月滿夜對道場偶懷詠

常脩清淨去繁華人識王城長者家案上香煙
鋪貝葉佛前燈焰透蓮花持齋已滿招間客理
曲先聞命小娃明日若過方丈室還應問爲法
來邪

吳方之見示獨酌小醉首篇樂天續有訓
答皆含戲謔極至風流兩篇之中並蒙見
屬輒呈濫吹益美來章

間門共菽任張羅靜室同虛養太和塵世歡娛
開意少醉鄉風景獨遊多散金踈傳尋常樂枕
麴劉生取次歌計會雪中爭挈榼鹿裘鶴氅遞
相過

訓樂天齋滿日裴令公置宴席上戲贈

一月道場齋戒滿今朝華幄管絃迎銜杯本自
多狂態事佛無妨有佞名酒力半酣愁已散文
鋒未鈍老猶爭平陽不獨容賓醉聽取誼呼吏
舍聲

訓樂天偶題酒瓮見寄

從君勇斷拋名後世路榮枯見幾回門外紅塵
人自走瓮頭清酒我初開三冬學任曾中有萬
戶侯須骨上來何幸相招同醉處洛陽城裏好
池臺

荅裴令公雪中訝白二十二與諸公不相
訪之什

玉樹瓊樓滿眼新的知開閣待諸賓遲遲未去
非無意擬作梁園坐右人

訓樂天請裴令公開春加宴

高名大位能兼有恣意遨遊是特恩二室煙霞

成步障三川風物是家園
晨窺苑樹韶光動晚
渡河橋春思繁絃管常調
客常滿但逢花處即
開罇

樂天示過敦詩舊宅有感一篇吟之泣然
追想昔事因成繼和以寄苦懷

淒涼同到故人居門枕寒流古木踈向秀心中
嗟棟宇蕭何身後散圖書本營歸計非無意唯
筭生涯尚有餘忽憶前言更惆悵丁寧相約速

懸車

敦詩與子友樂天三人同
田子平生相約同休洛中

吳方之見示聽江西故吏朱幼恭歌三篇

頗有懷故林之思吟諷不足因而和之
侯家故吏歌聲發逸處能高怨處低今歲洛中
無雨雪眼前風景似江西

間坐憶樂天以詩問酒熟未

案頭開縹秩肘後檢青囊唯有達生理應無治
老方減書存眼力省事養心王君酒何時熟相
攜入醉鄉

和樂天洛城春齊梁體八韻

帝城宜春入遊人喜意長草生季倫谷花出莫
愁妨斷雲發山色輕風漾水光樓前戲馬地樹

下鬪雞場白頭自為侶綠酒亦滿觴潘園觀種
植謝墅閱池塘至間似隱逸過老不悲傷相問
為功德銀黃遊故鄉

三月三日與樂天及河南李尹奉陪裴令
公泛洛禊飲各賦十二韻

洛下今脩禊羣賢勝會稽盛筵陪玉鉉通籍盡
金閨波上神仙妓岸傍桃李蹊水嬉如鷺振歌
響雜鶯啼歷覽風光好泂洄意思迷棹歌能儷
曲墨客競分題翠幄連雲起香車向道齊人誇
綾步障馬惜錦障泥塵暗宮牆外霞明苑樹西

舟形隨鷁轉橋影與虹低川色晴猶遠烏聲暮
欲棲唯餘踏青伴待月魏王堤

寄賀東川楊尚書慕巢兼寄西川繼之二
公近從弟兄情分偏曠早忝遊舊因成是詩

太華蓮峯降嶽靈兩川棠樹接郊坰政同兄弟
人人樂曲奏填篴處處聽楊葉百穿榮會府芝
泥五色耀尺庭各拋筆硯誇旄鉞莫遣文星讓
將星

秋中暑退贈樂天

暑服宜秋著清琴入夜彈人情皆向菊風意欲

摧蘭歲念貧心泰天涼病體安相逢取次第却
甚少年歡

和樂天洛下雪中宴集寄汴州李尚書

洛城無事足杯盤風雪相和歲欲闌樹上因依
見寒鳥坐中收拾盡間官笙歌要請頻何爽笑
語忘機拙更歡遙想兔園今日會瓊林滿眼映
旂竿

喜遇劉二十八偶書兩韻聯句

病來佳興少老去舊遊稀笑語縱橫作杯觴絡
繹飛度清談如水玉逸韻貫珠璣高位當金鉉

虛懷似布衣

禹錫

已容狂取樂仍任醉忘機捨眷

將何適留歡便是歸

居易

鳳儀常欲附蚊力自知

微願假罇壘末膺門自此依

紳

劉二十八自汝赴左馮塗經洛中聯句

不歸丹掖去銅竹漫去去唯喜因過我須知未

賀君

度

詩聞安石詠香見令公燠欲首函關路

來披緹嶺雲

居易

貂蟬公獨步駕鷺我同羣插羽

先飛酒交鋒便戰文

紳

鎮嵩知表德定鼎為銘

勲顧鄙容商洛徵歡候汝墳

禹錫

領年多謔浪此

夕任誼紛故態猶應在行期末要聞度

游藩榮

已父捧杖惜將分詎獸杯行疾唯愁日向曛居易

窮陰初莽蒼離思漸氤氳殘雪午橋岸斜陽伊

水濱紳上謨尊右掖全略靜東軍萬頃徒稱量

滄溟詎有垠禹錫

予自到洛中與樂天爲文酒之會時時措
詠樂不可支則慨然共憶夢得亦分司至
止歡愜可知因爲聯句

成周文酒會吾友勝鄒枚唯憶劉夫子而今又
到來度欲迎先倒屣亦坐便傾杯飲許伯倫戶

詩推公幹才

並以本
事居易

父曾聆郢唱重喜上燕臺晝

話墻陰轉宵歡斗柄回禹錫新聲還共聽故態復

相哈遇物皆先賞從華半未開度起時烏帽側

散處玉山頽墨客誼東閣文星犯上台居易詠吟

君稱首踈放我為魁憶戴何勞訪憶夢得夢得分司而來留

髡不用猜宴席上老夫暫起樂天密坐不動度奉觴承麴蘗落筆捧瓊

瑰醉弁無妨側詞鋒不可摧此兩韻美令公也居易水軒看

翡翠石徑踐莓苔童子能騎竹佳人解詠梅陪遊

南宅之錫境洛中三可矣鄴下士悠哉自向風光急不

須絃管催度樂觀魚踴躍間愛鶴徘徊煙柳青

凝黛波萍綠撥醅居易春榆初改火律管又飛灰

紅藥多遲發碧松宜亂栽禹錫馬嘶馳陌上鷓泛

鳳城隈色色事堪惜些些病莫推度涸流尋軋

軋餘刃轉恢恢從此知心伏無因敢自媒禹錫室

隨親客入席許舊寮陪逸興嵇將阮交情陳與

雷此二句屬夢得也居易洪爐思哲匠大厦要羣材他日登

龍路應知免曝鰓禹錫

洛中早春贈樂天

漠漠復靄靄半晴將半陰春來自何處無迹日

以深韶嫩冰後水輕盈煙際林藤生欲有託柳

弱不自任華意已含蓄鳥言尚沈吟期君當此

列女傳卷之四
十一
長定

時與我恣追尋翻愁爛漫後春暮却傷心

和樂天讌李周美中丞宅池上賞櫻桃花
櫻桃千萬枝照耀如雪天王孫讌其下隔水疑
神仙宿露發清香初陽動暄妍妖姬滿髻插酒
客折枝傳同此賞芳月幾人有華筵杯行勿遽
辭好醉逸三年

和牛相公遊南莊醉後寓言戲贈樂天兼
見示

城外園林初夏天就中野趣在西偏薔薇亂發
多臨水鷓鴣雙遊不避舡水底遠山雲似雪橋

邊平岸草如煙白家唯有杯觴興欲把頭盤打
少年

思黯南墅賞牡丹花

偶然相遇人間世合在增城阿姥家有此傾城
好顏色天教晚發賽諸花

樂天少傅五月長齋廣延緇徒謝絕文友
坐成睽間因以戲之

五月長齋戒深居絕送迎不離通德里便是法
王城舉目皆僧事全家少俗情精脩無上道結
念未來生賓閣田衣占書堂信鼓鳴戲童爲塔

象啼鳥學經聲黍用青菰角葵承玉露烹馬家
供薏苡劉氏餉蕪菁暗網籠歌扇流塵晦酒鐺
不知何次道作佛幾時成

樂天池館夏景方妍白蓮初開綵舟空泊
唯邀緇侶因以戲之

池館今正好主人何寂然白蓮方出水碧樹未
鳴蟬靜室宵聞磬齋廚晚絕煙蕃僧如共載應
不是神仙

訓樂天晚夏間居欲相訪先以詩見貽

池榭堪臨泛脩然散鬱陶步因驅鶴緩吟爲聽

蟬高林密添新竹枝低
緹晚桃酒醅晴易墊藥
圃夏頻嬖老是班行
舊間爲鄉里豪經過更何
處風景屬吾曹

訓樂天感秋涼見寄

庭晚初辨色林秋微有聲
槿衰猶強笑蓮迫却
多情簷燕鷺歸心動
鞦鷹鳥俊氣生間人占
間景酒熟且同傾

樂天以愚相訪沽酒致歡
因成七言聊以奉荅

少年曾醉酒旗下
同輩黃衣領亦黃
蹴踏青雲

尋入仕蕭條白髮且飛觴令徵古事歡生雅客
喚間人興在狂猶勝獨居荒草院蟬聲聽盡到
寒盤

秋晚新晴夜月如練有懷樂天

雨歇晚霞明風調夜景清月高微暈散雲薄細
鱗生露草百蟲思秋林千葉聲相望一步地脉
脉萬重情

和思黯憶南莊見示

丞相新家伊水頭智囊心匠日增脩化成池沼
無痕跡奔走清波不自由臺上看山徐舉酒潭

中見月慢回舟從來天下推尤物合屬人間第一流

同留守王僕射各賦春中一物從一韻至七
鶯能語多情春將半天欲明始逢南陌復集東
城林疎時見影花密但聞聲營中綠催短笛樓
上來定哀箏千門萬戶垂楊裏百轉如簧煙景晴
和樂天春詞依憶江南曲拍爲句

春去也多謝洛城人弱柳從風疑舉杖叢蘭裊
露似霑巾獨坐亦含嚬

謝樂天聞新蟬見贈

碧樹有蟬後煙雲改容光瑟然引秋氣芳草日
夜黃夾道喧古槐臨池思垂楊離人下憶泪志
士激剛腸昔聞阻山川今聽同匡牀人情便所
遇音韻豈殊常因之比笙竽送我遊醉鄉

新秋對月寄樂天

月露發光彩此時方見秋夜涼金氣應天靜火
星流蛩響偏依井螢飛直過樓相知盡白首清
景沒追遊

訓樂天小臺晚坐見憶

小臺堪遠望獨上清秋時有酒無人勸看山祇

自知幽禽轉深竹孤蓮落靜池高門勿遽掩好
客無前期

早秋雨後寄樂天

夜雲起河漢朝雨洒高林梧葉先風落草蟲迎
濕吟簟涼扇恩薄室靜琴思深且喜火前別安
能懷寸陰

和樂天秋涼間卧

暑退人體輕雨餘天色改荷珠貫索斷竹粉殘
妝在高僧掃室請逸客登樓待槐柳漸蕭疎間
門少光彩

秋晚病中樂天以詩見問力疾奉酬

耳虛多聽遠展轉晨雞鳴一室背燈卧中庭掃
葉聲蘭芳經雨敗鶴病得秋輕肯踏衡門草唯
應是友生

和樂天燒藥不成命酒獨醉

九轉欲成就百神陰主持嬰啼鼎上去老貌鏡
前悲却顧空丹竈回心向酒卮醺然耳熱後暫
似少年時

詠樂天詠老見示

人誰不願老老去有誰憐身瘦帶頻減髮稀冠

自偏廢書緣惜眼多多為隨年經事還諳事閱
人如閱川細思皆幸矣下此便翛然莫道桑榆
晚為霞尚滿天

歲夜詠懷

彌年不得意新歲又如何念昔同遊者而今有
幾多以間為自在將壽補蹉跎春色無情故幽
居亦見過

元日樂天見過因舉酒為賀

漸入有年數喜逢新歲來震方天籟動寅位帝
車回門巷掃殘雪林園驚早梅與君同甲子壽

酒讓先杯

裴令公見示樂天寄奴買馬絕句斐然仰
和且戲樂天

常奴安得似方回爭望追風絕足來若把翠娥
酬綠耳始知天下有竒才

訓思黯代書見戲

官冷如漿病滿身凌寒不易過天津少年留守
多情興請待花時作主人

訓思黯見示小飲四韻

拋却人間第一官俗情驚怪我方安兵符相印

無心戀洛水嵩雲恣意看三足鼎中知味久百
尋竿上擲身難追呼故舊連宵飲直到天明興
未闌

訓樂天醉後狂吟十韻

來章有移家
住醉鄉之句

散誕人間樂逍遙地上仙詩家登逸品釋氏悟
真筌制誥留臺閣歌詞入管絃處身於木鴈任
世變桑田吏隱情兼遂儒玄道兩全八關齋適
罷三雅興尤偏文墨中年舊松筠晚歲堅魚書
曾替代香火有因緣

陸法和玄與梁元帝於空
王寺佛前結香火因緣

欲向

醉鄉去猶爲色界牽好吹楊柳曲爲我舞金鈿

訓牛相公獨飲偶醉寓言見示

宮漏夜丁丁千門閉霜月華堂列紅燭絲管靜
中發歌眉低有思舞體輕無骨主人啓駝顏酣
暢浹映髮猶思城外客阡陌不可越春意日夕
深此歡無斷絕

和僕射牛相公春日間坐見懷

官曹崇重難頻入第宅清閒且獨行階蟻相逢
如偶語園蜂速去恐違程人於紅藥唯看色鷺
到垂楊不惜聲東洛池臺怨拋擲移文非久會
應成

牛相公見示新什謹依韻次用以抒下情
劇韻新篇至因難始見能雨天龍變化晴日鳳
騫騰遊海驚何極聞韶素不曾愜心時拊髀擊
節自麾肱符彩添隄墨波瀾起剡藤揀金光熠
熠壘壁勢層層珠媚多藏賈花撩欲定僧封來
眞寶物寄與媿文朋已老無時疾時洛中時厲
多傷少年長
貧望歲登雀羅秋寂寂蟲翅曉薨薨羸驥方辭
絆虛舟已絕絙榮華甘死別健羨亦生憎玉柱
瑄琤韻金觥霽凸稜何時良宴會促膝對華燈

秋霖即事聯句三十韻

蕭索窮秋月蒼然苦雨天泄雲生棟上行潦入

庭前居易送苔色侵三徑波聲想五絃井蛙爭入

戶轍鮒亂歸泉起送上中丞大監高雷愁晨坐空塔警夜

眠鶴鳴猶未已蟻穴窠頻遷禹錫送上少傅侍郎散漫踈還

密空濛斷又連竹霑青玉潤荷滴白珠圓居易地

濕灰逸滅池添水馬憐有苗霑霖霖無月弄潺

湲起籬菊潛開秀園蔬已罷鮮斷行垂鴈翅孤

嘯聳禹錫橋柱黏黃菌墻衣點綠錢草荒行

藥路沙淀釣魚舡居易長者車猶阻高人榻且懸

此思劉白之來也金烏何日見玉爵幾時傳起近井桐先

落當簷石欲穿趨風誠有戀披霧邈無緣禹錫以
荅懸榻

名之廩米陳生醖庖薪濕起煙鳴雞潛報曉急景

暗彫年易居蓋洒高松上絲繁細柳邊拂叢取時起

蝶墜葉乍驚蟬起巾角皆爭墊裙裾例似湔人

多蒙翠被馬盡看連乾禹錫好客無來者貧家但

悄然寒泥印鶴迹漏壁絡蝸涎易居蚊聚雷侵室

鷗翻浪滿川上樓愁冪冪遠舍馱淺淺起律候

今秋矣歡娛久曠焉但令高興在晴後奉周旋禹錫

喜晴聯句

苦雨晴何喜喜喜於未雨時氣收雲物變聲樂鳥

烏知居易送
上僕射蕙泛光風圃蘭開皎月池千峯分遠

近九陌好追隨起送上
尚書白日開天路玄陰卷地維

餘清在林薄新照入漣漪錫禹碧樹涼先落青蕪

濕更滋黠毛經浴鶴曳尾出泥龜居易舞去商羊

速飛來野馬遲柱邊無潤礎臺上有游絲起橋

淨行塵息堤長禁柳垂宮城明睥睨觀闕麗杲

愚錫禹洛水澄清鎮嵩煙展翠帷梁成虹乍見市

散蟻初移居易籍草風猶暖攀條露已晞屋穿添

碧瓦墻缺召金鉗起迫澈來雙目昏煩去四肢

霞文晚煥爛星影夕參差錫禹爽助門庭肅寒催

草木衰黃乾向陽菊紅洗得霜梨居易假蓋間誰

惜彈絃燥更悲散蹄良馬穩炙背野人宜起洞

戶晨輝入空庭宿霧披堆牀出書卷傾笥上衣

梳錫禹道路行非阻軒車望可期無辭訪圭竇且

願見瓊枝居易仙閣蓬萊客古以祕書喻蓬萊儲宮羽翼師

此言少傳每優陪麗句何暇接英姿起以酬圭竇之言翫景方搔

首懷人尚斂眉因吟仲文什高興盡於斯錫禹

會昌春連宴即事聯句

元年寒食日上巳暮春天雞黍三家會鷓鴣花二

節連居易光風初淡蕩美景漸暄妍簪組蘭亭上

車輿曲水邊錫禹松聲添奏樂草色助鋪筵雀舫

宜間泛螺杯任漫傳起園蔬香帶露厨柳暗藏

煙麗句輕珠玉清談勝管絃居陌喧金距鬪樹

動綵繩懸姹女妝梳豔遊童衣服鮮錫禹圃香知

種蕙池暖憶開蓮怪石雲疑觸天桃火欲燃起

正歡唯恐散雖醉未思眠嘯傲人間世追隨地

上仙居鷺來雙涎涎鴈去累翩翩行樂真吾事

尋芳獨我先錫禹滯周慙太史太史公留滯周南今榮忝慙古人矣入洛

繼先賢此言劉白聲價與二陸爭長矣昔恨多分手今歡謬比肩

起病猶陪燕飲老更奉周旋望重青雲客情深

白首年居易遍嘗珍饌後許入畫堂前舞袖翻紅

炬歌鬟插寶蟬錫禹斷金多感激倚玉貴遷延說

史吞顏注論詩笑鄭箋起松筠寒不變膠漆冷

彌堅興伴王尋戴謂隨僕射過尚書也榮同隗在燕居易擲

盧誇使氣刻燭鬪成篇實藝皆三捷虛名愧六

聯錫禹興闌猶舉白話靜每思玄更說歸時好亭

亭月正圓起

僕射來示有三春向晚四者難并之說誠

哉是言輒引起題重為聯句疲兵再戰勅

敵難降下筆之時鞞然自哂走呈僕射兼

簡尚書

三春今向晚四者昔難并借問低眉坐何如攜

手行居舊遊多過隙新宴且尋盟鸚鵡林須樂

麒麟閣未成起分陰當愛惜遲景好逢迎林野

薰風起樓臺穀雨晴錫禹墻低山半出池廣水初

平橋轉長虹曲舟回小鷁輕居殘花猶布繡密

竹自聞笙欲過芳菲節難忘宴慰情起月輪行

似箭時物勢如傾見鴈隨兄去聽鶯求友聲錫禹

蕙長書帶展菰嫩剪刀生坐密衣裳暖堂虛絲

管清居峯巒侵碧落草木近朱明與點非沂水

陪膺是洛城

白嘗為三川守故云起

撥醅爭綠醕卧醅待朱

櫻幾處能留客何人喚解醒

錫禹

舊儀尊右揆新

命寵春卿有喜鵲頻語無機鷗不驚

居易

青林思

小隱白雪仰芳名訪舊殊千里登高賴九城

起

鄴侯司管鑰踈傳傲箬纓綸綍曾同掌煙霄即

上征

禹錫

冊庭嘗接武書殿忝連衡蘭室春彌馥

松心晚更貞

居易

琴招翠羽下鈞掣紫鱗呈只願

回烏景誰能避兕觥

起

方知醉兀兀應勝走營

營鳳閣鸞臺路從他年少爭

居易送呈二公

樂天是月長齋鄙夫此時愁卧里問非遠

雲霧難披因以寄懷遂為聯句所期解悶

焉敢驚馬禪

五月長齋月

逸二字

苦行心蘭蕊不入戶蒼苔自

林

得夢

護戒先辭酒嫌喧亦徹琴塵埃賓位靜香

火道場深

樂天

我清馴狂象吾餘施衆禽定知於

佛佞豈復向書淫

得夢

欄藥彫紅豔庭槐換綠陰

風光徒滿日雲霧未披襟

樂天

樹為清涼倚池因

盥漱臨蘋芳遭鷺拂蓮坼待蜂尋

得夢

舍下環流

水牕中列遠岑苔班錢剝落石怪玉嶽峯

樂天

鵲

頂迎秋禿鬢鳥喉入夏瘖柳絲垂色線棘刺露長

針得夢散秩身猶幸趨朝力不任官將方共拙年

與病交侵天樂徇樂非時選忘機似陸沉鑒容稱

四皓捫腹有三壬得夢攜手慙連壁同心許斷金

紫芝雖繼唱前後各任賓客白雪少知音天樂憶罷吳門守

相逢楚水潯舟中頻曲宴夜後各加斟得夢燭淚

銷殘漏絃聲閒遠砧醜顏舞長袖密坐接華簪

天樂持論峯巒峻戰文矛戟森笑言誠莫逆造次

必相箴得夢往事渾如昨餘歡迄至今迎君常倒

屣訪我輒攜衾天樂陰魄初離畢時有雨後陽光正在

參五月之節待公休一食縱飲共狂吟得夢

劉夢得外集卷第四

開化圖書

Washua library

劉夢得外集

卷四

四

劉夢得外集卷第五

雜詩

赴上都贈別

秋日寄懷

訓送張負外

文石枕

贈壁州鞭

文宣王廟釋奠

敬訓徹公見寄

訓元九院長

別竇司直

訓竇負外

和竇中丞

郡內書懷

寄楊八拾遺

郡齋宴客

旬休早涼

訓楊侍郎

馬大夫惠著述

再酬馬大夫

郴州紀事書情

翫郡齋紫薇花

和馬大夫

山薑花

王侍御贈荅詩

登涯口戍見寄

獻通草茱萸酒

荅楊八絕句

鄂渚留別

荅表臣贈別

寄表臣

懷表臣

重寄表臣

寄唐州楊八

重寄絕句

春日寄楊八

寄朗州溫右史

新漲驛池

訓楊八副使

訓楊司業

訓崔博士

訓馮舍人宿贈別

荅張侍御賈喜再登科自洛赴上都贈別
又被時人寫姓名春風引路入京城知君憶得
前身事分付鷺花與後生

和武中丞秋日寄懷簡諸僚故

退朝還公府騎吹息繁音吏散秋庭寂鳥啼煙
樹深威生奉白簡道勝外華簪風物清遠目功
名懷寸陰雲衢念前侶綵翰寫冲襟涼菊照幽
援敗荷攢碧潯感時江海思報國松筠心空愧

壽陵步芳塵何處尋

赴連州途經洛陽諸公置酒相送張負外
賈以詩見贈率爾訓之

謫在三湘最遠州邊鴻不到水南流如今暫寄
樽前笑明日辭君步步愁

贈元九侍御文石枕以詩獎之

文章似錦氣如虹宜薦華簪綠殿中縱使商飈
生旦夕猶堪拂拭愈頭風

訓元九侍御贈壁州鞭長句

碧玉孤根生在林美人相贈比雙金初開郢客

緘封後想見巴山冰雪深多節本懷端直性露
青猶有歲寒心何時策馬同歸去關樹扶疎敲
鐙吟

和李六侍御文宣王廟釋奠作

歎息魯先師生逢周室卑有心律天道無位救
陵夷歷聘不能用領徒空爾爲儒風正禮樂旅
象入著龜西狩非其應中都安足施世衰由我
賤泣下爲人悲遺教光文德興王叶夢期土田
封後胤冕服飾虛儀鐘鼓膠庠薦牲牢郡邑祠
聞君喟然歎偏在上丁時

敬訓徹公見寄 二首

淒涼沃洲僧憔悴柴桑宰別來二十年唯餘兩
心在

越江千里鏡越嶺四時雪中有逍遙人夜深觀
水月

訓元九院長自江陵見寄

無事尋花至仙境等閒栽樹比封君金門通籍
真多士黃紙除書每日聞

韓十八侍御見示岳陽樓別竇司直詩因
令屬和重以自述故足成六十二韻

楚望何蒼然層瀾七百里孤城寄遠目一寫窮
無已蕩漾浮天蓋回環宣地里積漲在三秋混
成非一水冬遊見清淺春望多洲沚雲錦遠沙
明風煙青草靡火星忽南見月魄方東迤雪波
西山來隱若長城起獨專朝宗路駛悍不可止
支川讓其威蓄縮空南委熊武走蠻落熊武二瀟
溪名瀟
湘來奧鄙炎蒸動泉源積潦搜山趾歸往無旦
夕包含通遠邇行當白露時眇視秋光裏曙色
未昭晰露華遙斐亶浩爾神骨清如觀混元始
我風忽震盪驚浪迷津涘怒激鼓鏗鉤感成山

歸碗鷗鵬疑變化罔象何恢詭噓吸寫樓臺騰
驤露鰭尾景移羣動息波靜繁音弭明月出中
央青天絕纖滓素光淡無際綠靜平如砥空影
渡鸕鴻秋聲思蘆葦鮫人弄機杼貝闕駢紅紫
珠蛤吐玲瓏文鯨翔旖旎水鄉吳蜀限地勢東
南庠翼軫紫垂精衡巫屹環峙名雄七澤數國
辨三苗氏唐拜斷修蛇荆王憚下達反青兕秦狩
跡猶在虞巡路從此軒后奏宮商騷人詠蘭芷
茅嶺潛相應橘洲傍可指郭璞驗幽經羅合著
前紀觀津戚里族按道侯家子聯杖登高樓臨

軒笑相視假守亦高卧

竇時權領郡事

墨曹正垂耳

韓亦量移

江陵法曹

契闊話涼温壺觴慰遷徙地偏山水秀客

重杯盤侈紅袖花欲然銀燈晝相似興酣更抵

掌樂極同啓齒筆鋒不能休藻思一何綺伊余

負微尚夙昔慙知己出入金馬門交結青雲士

襲芳踐蘭室學古遊槐市策慕宋前軍文師漢

中壘陋容昧俯仰孤志無依倚衛足不如葵漏

川空歎蟻幸逢萬物泰獨處窮途否鍛翻重疊

傷兢魂再三褫蘧瑗亦屢化左丘猶有恥桃源

訪仙官薛服祠山鬼故人南臺舊一別如弦矢

今朝會荆蠻斗酒相宴喜爲余出新什笑拈隨
伸紙擘若觀五彩歡然臻四美委曲風濤事分
明窮達旨洪韻發華鍾淒音激清徵羊濬要史
共和江淹多雜擬徒欲仰高山焉能追逸軌湘
州路四達巴陵城百雉何必顏光祿留詩張內

訓實負外使君寒食日途次松滋渡先寄

示四韻

楚鄉寒食橘花時野渡臨風駐綵旗草色連雲
人去住水文如縠鷺差池朱輪尚憶羣飛雉青
綬初縣左顧龜非是湓城魚司馬水曹何事與

新詩

時自水部
郎出牧

和竇中丞晚入容江作

漢郡三十六鬱林東南遙人倫選清臣天外頒
詔條桂水涉秋浪火山凌霧朝分圻辨風物入
境聞謳謠莎岸見長亭煙林隔麗譙日落舟益
駛川平旗自飄珠浦遠明滅金沙晴動搖一吟
道中作離思懸層霄

呂八見寄郡內書懷因而戲和

文苑振金聲循良冠百城不知今史氏何處列
君名

寄楊八拾遺

時出為國子主簿分司東都之什
八負外亦轉國子博士同在洛陽

聞君前日獨廷爭漢帝偏知白馬生忽領簿書
遊太學寧勞侍從厭承明洛陽本自宜才子海
內而今有直聲為謝同寮老博士范雲來歲即
公卿

訓實負外郡齋宴客偶命柘枝因見寄兼

呈張十一院長元九侍郎

負外時兼節度判
官佐平蠻之略張

初罷郡元
方從事

分憂餘刃又從公白羽胡牀嘯詠中綵筆諭戎
矜倚馬華堂留客看驚鴻渚宮油幕方高步澧

浦甘棠有幾叢若問騷人何處所門臨寒水落
江楓

訓竇貞外旬休早涼見示

時奉書報
詰朝有宴

新秋十日澣朱衣鈴閣無聲公吏歸風韻漸高
梧葉動露光初重槿花稀四時苒苒催容鬢三
爵油油忘是非更報明朝池上酌人知太守字
玄暉

訓楊侍郎憑見寄二首

翔鸞闕底謝皇恩纓上滄浪舊水痕踈傳揮金
忽相憶遠擎長句與招魂

十年毛羽催頽一旦天書召回看看瓜時欲到
故侯也好歸來

南海馬大夫見惠著述三通勒成四秩上
自遂古達于國朝采其菁華至簡而富欽
受嘉貺詩以謝之

紅旗閱五兵絳帳領諸生味道輕鼎食退公猶
筆耕青箱傳學遠金匱納書成一瞬見前事九
流當抗行編蒲曾苦思垂竹媿無名今日承芳
評誰言贈袞榮

南海馬大夫遠示著述兼誦拙詩輒著微

誠再有長句時蔡戎未殄故見於末篇

漢家旌旆付雄才百越南溟統外臺身在絳紗
傳六藝腰懸青綬亞三台連天浪靜長鯨息映
日帆多寶舶來聞道楚氛猶未滅終須旌旆掃
雲雷

和楊侍郎初至郴州紀事題郡齋八韻

旌節下朝臺分圭從北回城頭鶴立處驛樹鳳

栖來

蘇寂傳去後化為仙鶴止城東北隅牆上又州北栖鳳驛圖經云常有威鳳降于庭梧也

舊路芳塵

在新恩駟騎催里閭風偃草鼓舞林成雷吏散
山禽轉庭香夏蕊開郡齋堪四望壁記有三台

人訝徵黃晚文非弔屈哀一吟梁甫曲知是卧
龍才

和郴州楊侍郎翫郡齋紫薇花十四韻

幾年丹霄上出入金華省暫別萬年枝看花桂
陽嶺南方足竒樹公府成佳境綠陰交廣除明
豔透蕭屏雨餘人吏散鷺語簾櫳靜懿此舍晚
芳脩然忘簿領紫茸垂組綬金縷攢鋒穎露溥
暗傳香風輕徐就影葺弱多意思從容占光景
得地在侯家移根近仙井開罇好凝睇倚瑟仍
回頭遊蜂駐彩冠舞鶴迷煙頂興生紅藥後愛

與甘棠竝不學夭桃姿浮榮在俄頃

和南海馬大夫聞楊侍郎出守郴州因有

寄上之作

忽驚金印駕朱轡遂別鳴珂聽曉猿碧落仙來
雖暫謫赤泉侯在是深恩玉環慶遠瞻台坐銅
柱勲高壓海門一詠瓊瑤百憂散何勞更樹北
堂萱

和鄭相公以考功十弟山薑花俯賜篇詠
採擷黃薑禁封題青鎖闈供聞調膳日正是退
朝歸響爲織筵發情隨彩翰飛故將天下寶萬

里與光輝

馬大夫見示浙西王侍御贈荅詩因命同

作

大夫榮踐舊府又歷交趾桂林南人歌之列在風
王侍御公易一別歲除寄詞夫篇以代札

憶逐年車凡幾時今來舊府統成師象筵照室
會詞客銅鼓臨軒舞海夷百越酋豪稱故史十
洲風景助新詩秣陵從事何年別一見瓊章如
素期

訓馬大夫登淮口戍見寄

新辭金印拂朝纓臨水登山四體輕猶念天涯
未歸客瘴雲深處守孤城

訓馬大夫以愚獻通草茱萸酒感通拔二字
因而寄別之作

泥沙難振拔誰復問窮通莫訝提壺贈家傳枕
麴風成謠獨酌後深意片言中不進終無已應
須荀令公

荅揚八敬之絕句

揚生時亦謫居

飽霜孤竹聲偏切帶火焦桐韻本悲今日知音
一留聽是君心事不平時

鄂渚留別李二十一表臣大夫

高檣起行色促柱動離聲欲問江深淺應如遠

別情

荅表臣贈別 二首

昔爲瑤池侶飛舞集蓬萊今作江漢別風雪一
徘徊

嘶馬立未還行舟路將轉江頭暝色深揮袖依
稀見

始發鄂渚寄表臣 二首

祖帳管絃絕客帆淒風生回車已不見猶聽馬
嘶聲

曉發柳林戍遙城聞五鼓憶與故人眠此時猶

晤語

出鄂州界懷表臣二首

離席一揮杯別愁今尚醉遲遲有情處却恨江帆駛

夢覺疑連榻舟行忽千里不見黃鶴樓寒沙雪相似

重寄表臣二首

對酒臨流奈別何君今已醉我蹉跎分明記取星星鬢他日相逢應更多

世間人事有何窮過後思量盡是空早晚同歸

洛陽陌卜鄰須近祝雞翁

寄唐州楊八歸厚

淮安古地擁州師畫角金饒旦夕吹淺草遙迎
鷓鴣馬春風亂颭辟邪旗謫仙年月今應滿
諫聲名衆所知何況遷喬舊同伴一雙先入鳳

凰池

時徐晦楊嗣復二舍人與唐州同年及第

重寄絕句

淮西既是平安地鷓鴣路今無羽檄飛聞道唐州
最清靜戰場耕盡野花稀

春日寄楊八唐州二首

淮西春草長淮水逶迤光鷺入新村落人耕舊
戰場可憐行春守立馬看斜桑

漠漠淮上春芳苗生故壘梨花方城路荻筍蕭
陂水高齋有謫仙坐嘯清風起

寄朗州溫右史曹長

暫別瑤琤駕鷺行彩旗雙引到沅湘城邊流水
桃花過簾外春風杜若香史筆枉將書紙尾朝
纓不稱濯滄浪雲臺功業家聲在徵詔何時出
建章

和東川王相公新漲驛池八韻

今日池塘上初移造物權苞藏成別島
泓濁致清漣變化生言下蓬瀛落眼前
泛觴驚翠羽開幕對紅蓮遠寫風光入
明含氣象全渚煙籠驛樹波日漾賓筵
曲岸留緹騎中流轉彩舩無因接元禮
共載比神仙

訓楊八副使將赴湖南途中見寄一絕

知逐征南冠楚才遠勞書信到陽臺
明朝若上君山上一道巴江自此來

訓楊司業巨源見寄

壁壘雍流水近靈臺中有詩篇絕世才
渤海歸人

將集去梨園弟子請詞來瓊枝未識魂空斷寶
匣初臨手自開莫道專城管雲雨其如心似不
然灰

訓國子崔博士立之見寄

健筆高科早絕倫後來無不揖芳塵遍看今日
乘軒客多是昔年呈卷人胄子執經瞻講坐郎
官共食接華茵煩君遠寄相思曲慰問天南一
逐臣

訓馮十七舍人宿衛贈別五韻

少年爲別日隋宮楊柳陰白首相逢處巴江煙

浪深使星三蜀酒春雨霑衣襟王程促速意夜
語慤勤心却歸天上去遺我雲間音

劉夢得外集卷第五

開化圖
Wanhua

開化圖書館

Kaishua library

開化圖書館


Kaizhwa library

開化圖書館

Wakhu Library

開化圖書館

Kaishwa Library



劉夢得文集


七

開化圖書館
Kashua library



開化圖書

Kaishua Library



TIFFEN Color Control Patches

© The Tiffen Company, 2007

Blue Cyan Green Yellow Red Magenta White 3/Color